



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

Anr.61/2025

PANELI ZGJEDHOR PËR ANKESA DHE PARASHTRESA (PZAP), në panelin e përbërë nga gjyqtarët: Kymete Kicaj kryesuese, Skender Çoçaj dhe Arsim Hamzaj anëtarë, duke vendosur përkitazi me ankesën e subjektit politik Lëvizja Vetëvendosje (LVV), me seli në Prishtinë, paraqitur kundër kandidates për deputete nga radhët e subjektit politik Partia Demokratike e Kosovës- PDK, me seli në Prishtinë, Blerta Deliu Kodra për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë fushatës zgjedhore, për Zgjedhjet e Përgjithshme për Kuvendin e Republikës së Kosovës që do të mbahen më datë 09.02.2025, në seancën e panelit të mbajtur më datë 20.01.2025, merr këtë:

VE N D I M

- I. PRANOHET e bazuar ankesa e subjektit politik Lëvizja Vetëvendosje (LVV), me seli në Prishtinë, Anr.61/2025 e datës 17.01.2025
- II. Subjektit Politik Partia Demokratike e Kosovës (PDK), me seli në Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, i shqiptohet dënimi më gjobë në lartësi prej 4,000.00 (katërmijë) euro.
- III. Detyrohet Subjektit Politik Partia Demokratike e Kosovës (PDK), që gjobën e shqiptuar si në pikën -II-, të dispozitivit të këtij vendimi, ta paguaj në afat prej 15 ditëve, nga dita e plotfuqishmërisë së këtij vendimi.

A r s y e t i m

Me datën 17.01.2025 PZAP-i, ka pranuar një ankesë nga subjekti politik Lëvizja Vetëvendosje (LVV) me seli në Prishtinë, në të cilën pretendohet se kandidatja për deputete nga radhët e Subjektit Politik Partia Demokratike e Kosovës (PDK), Blerta Deliu Kodra ka postuar në llogarinë e saj në Facebook një video me tekst shoqërues, të realizuar në hapësirën e brendshme të Kuvendit të Republikës së Kosovës në kundërshtim me dispozitat ligjore të nenit 36 paragrafi 1 të Ligjit Nr.08/L-228 për Zgjedhjet e Përgjithshme në Kosovë.

Më tutje parashtruesi i ankesës thekson se me anë të këtij veprimi, janë shkelur rëndë dispozitat ligjore të nenit 36, paragrafi 1 i LZP-së, i cili parashihet se “Personi që mban pozitë publike, i zgjedhur apo i caktuar, nuk mund të përdorë atë zyrë ose ndonjë nga pasurit e saj

me qëllim të përfitimit të votave". Asnjë nga burimet e asnjë institucioni të administratës Publike, qoftë të nivelit qendror ose lokal, ose edhe ndonjë ndërmarrje në zotërim ose të kontrolluar nga autoritetet qendrore ose lokale, nuk mund të shfrytëzohen ose të futen në mbështetje të ndonjë subjekti politik në zgjedhje".

Sipas pretenduesit në ankesë ky veprim i kandidatës dhe subjektit përkatës ka cenuar dispozitat përkatëse ligjore. Andaj, duke u mbështetur në bazën ligjore dhe argumentet e lartcekura, kërkojmë që masa e sanksionit të vendoset në përputhje me legjislacionin në fuqi.

Si provë ka bashkangjitur postimin në facebook, fotografi dhe video në link.

<https://www.facebook.com/reel/1110713810452032>

Më datë 18.01.2025, PZAP-i, e njoftoi subjektin politik Partia Demokratike e Kosovës për ankesën e paraqitur kundër tyre, duke i dërguar kërkesë për përgjigje deri me datë 19.01.2025 në ora 12:00.

Në përgjigjen në ankesë të datës 19.01.2025, të subjektit politik Partia Demokratike e Kosovës, e kundërshtojnë në tërësi ankesën e parashtruar nga LVV, për shkak se veprimi i kandidatës për deputete Blerta Deliu Kodra këtë video e ka realizuar dhe publikuar më datë 13 Dhjetor 2024, respektivisht një ditë pas publikimit të listave për deputetë të subjekteve Politike, i cili veprim në asnjë mënyrë nuk përbën shkelje të nenit 36 par.1, i Ligjit Nr.08/ L-228 të LZP-së.

Lidhur me këtë përgjigje në ankesë, si provë ka bashkangjitur: Videon e publikuar në rrjetin social Facebook nga deputetja Blerta Deliu Kodra më datë 13 dhjetor 2024.

Në vazhdim të përgjigjes theksojnë se znj. Blerta Deliu Kodra me publikimin e videos në asnjë mënyrë nuk ka cenuar rregullat për Fushatën e Zgjedhjeve, ashtu siç u argumentua më lart kjo video është realizuar dhe publikuar para fillimit të fushatës zgjedhore dhe nuk ka cenuar asnjë nga rregullat e përcaktuara për Fushatën Zgjedhore.

PZAP-i, gjeti se:

Ankesa është e bazuar

Paneli pasi që shqyrtoi pretendimet ankimore dhe përgjigjen në ankesë, ka gjetur se postimi i videos është ende aktiv në llogarinë e facebook-ut të kandidatës për deputete nga radhët e Partisë Demokratike të Kosovës (PDK), Blerta Deliu Kodra. Nga prova materiale e bashkangjitur ankesës, së Subjektit Politik LVV, dhe shkresave tjera të lëndës, paneli ka vlerësuar se nga ana e kandidatës për deputet nga radhët e subjektit politik, Partia Demokratike e Kosovës, është shkelur Rregulla Zgjedhore Nr. 07/2024 për Fushatën e Zgjedhjeve, Monitorimin e Fushatës së Zgjedhjeve dhe Deklarimin Financiar, pasi që kandidatja në fjalë, me qëllim të promovimit të numrit në listën me të cilën kandidon për deputete, është regjistruar në ambientet e Kuvendit të Kosovës, dhe kjo video është ende aktive edhe gjatë fushatës zgjedhore, veprim ky i cili bie në kundërshtim me dispozitën e nenit 36 par.1, Ligji Nr.08/L-228 për Zgjedhjet e Përgjithshme në Republikën e Kosovës parashihet se:“ *Personi që mban pozitë publike, i zgjedhur apo i caktuar, nuk mund të përdorë at zyrë ose ndonjë nga pasuritë e saj me qëllim të përfitimit të votave*”.

Edhe pse sipas përgjigjes së dhënë në ankesë pretendohet se kandidatja për deputete nga radhët e subjektit politik PDK, ka shfrytëzuar hapësirën e institucioneve shtetërore për video klip të fushatës zgjedhore dhe se videoja është regjistruar më 13 dhjetor 2024, që do të thotë para fillimit të fushatës zgjedhore, mirëpo sipas vlerësimit të panelit me qenë se kjo video vazhdon të jet aktive në facebook, në llogarinë e kandidates për deputete Blerta Deliu - Kodra, andaj konkludohet se është duke u përdorur edhe gjatë fushatës zgjedhore e me qëllim të përfitimit të votave.

Rrjedhimisht sipas vlerësimit të panelit veprimet e kandidates për deputetet Blerta Deliu – Kodra, bie ndesh me dispozitën e nenit 36 paragrafi 1 të LZP-së dhe rregullës zgjedhore 07/2024..

Kështu që paneli, me rastin e vendosjes së gjobës si në dispozitiv të këtij vendimi, ka marrë parasysh të gjitha rrethanat si në vijim: natyrën e shkeljes dhe ndikimit të mundshëm të saj në procesin zgjedhor në fjalë, shkallën dhe peshën e shkeljes, se ky veprim i tyre përben shkelje të legjislacionit zgjedhor. Kjo konsiston në subjekti politik PDK, ka qenë i njoftuar me obligimet dhe përgjegjësit gjatë procesit të fushatës zgjedhore. Andaj përfshirja e videos për fushatë zgjedhore në ambiente të institucionit, në këtë rast të Kuvendit të Republikës së Kosovës, e qe përben shkelje të legjislacionit zgjedhor, saktësisht e sanksionuar me dispozitën e lartcekur të rregullës zgjedhore.

Paneli me rastin e shqiptimit të gjobës ka pasur parasysh edhe praktikën e mëhershme për rastet për afërsisht të ngjashme.

Nga arsyet e theksuara me lart, e në kuptim të nenit 36 paragrafi 1, neni 118 paragrafi 1, neni 120 paragraf 1 nën paragrafi 1.3, të LZP-së, vendosi si në dispozitiv të këtij vendimi.

Paneli Zgjedhor për Ankesa dhe Parashtresa

Anr.61/2025 më datën 20.01.2025



Këshilla Juridike: Kundër këtij vendimi nuk lejohet ankesa konform nenit 118 par. 4 të LZP-së.